

皇朝經世文四編



皇朝經世文四編卷四十八

外部 史傳

俄皇大彼得傳

嗚呼國之興衰雖曰天命豈非人事哉方俄羅斯之受困於人也距今才二三百年耳昔何以日蹙百里今何以雄跨兩州皆何以守株一偶今何以帶甲百萬然後知故君彼得之奮發有為者其功烈之留遺為至深遠矣試繙西史為有國有家者清夜之鐘送津之後焉夷狄三百餘年前俄國皇帝曰虎辣西施生平政績無所表見娶后麥雷雅氏生皇子二伯曰斐優勞仲曰愛繁生公主六來雷雅氏薨繼娶后乃他麗姬氏生皇子一即諱彼得者也生公主二虎辣西施謝世兩后之母族競助其女之所生竟成兩黨日尋于戈斐優勞仲於陣愛繁以次當得故立其黨猶擁戴之然愛繁體弱而性嘗不能承大任乃他麗姬之黨勢難式微而彼得聰明英武頭角嶄然俄人歸心焉遂奉以繼帝位尊其母他麗姬氏為太后垂簾聽政從此此外威擅權勢傾朝野太后之養父麥特非夫早得罪戍邊太后赦而還之又廣樹其黨羽同執國政固自以為根深蒂固徧中國莫予毒也已麥雷雅之六公主中有名柔髮野者性情剛烈器識宏深芳齡二十有六矣憤母之專憐弟之弱以為昔者先皇之女割開亞裏曾憫其兄之懦因輔之以為帝同理國政彼女子也吾女子也吾何為獨不然柔髮野之所與游者又多屬智謀之士聞其壯志更多方勸勉以勵之遂在囊包縱立愛繁彼得並為俄帝而用人行政之大權則柔髮野自掌之二帝拱手聽命而已則為大寶座其高不可攀其形如品字二帝聯座於外中空而障以紗柔髮野獨坐於內則障以羅帳大朝會三人各登寶座羣臣之所目見者厥有二帝而不知目力之所不及者又有一帝也制亦奇矣馬四克城俄之舊都也至今寶座巍然獨存以示不忘柔髮野掌國既久厭宮幃之寂處未能暢其欲也先為遊於境內名山古剎將皆必有車轍馬跡而圍有齊會遊觀之事必親舉玉趾以為娛樂猶以為未足謂該利辛王予所封也使之遠約波蘭國意大利國奧大利亞國同尋盟好而徵師以及土耳其國且將以次及於滿洲蒙古地西歷一千六百八十七年該利辛王率兵十萬先驅將軍賽敵樓肥滋以兵五萬繼之至土耳其之克拉達亞與土師遇俄兵陳於平壤土兵列於山顛大有登高臨下之勢及戰俄兵失利故死之甚眾既而屢戰屢敗狼狽損而歸柔髮野坐賽敵樓肥滋以遠延觀望失律喪師之罪革職遣戍而命將軍麥賽帕接統其軍一千六百八十九年春復命該利辛王督同麥賽帕統兵再攻土耳其其師至盆而喀距克拉達亞高有數程已與土師遇該王等倉皇接戰主客之勢既殊勞逸之形又異依然大敗而還柔髮野不知下詔罪己反竭力彌縫搶飾於該利辛王回軍之際不但不正失機之罪尚親迎於郊而勞之彼得頗稱善其所為而柔髮野不顧也甚且諱敗而為勝命高拾神像行俄俗迎勞勝軍之禮並許該利辛王及總兵官以次進握其手而示寵異又徧賜美酒以通殷勤彼得知之大怒以為吾姊悖謬至

此朕獨何心推此空名之帝座為即日棄國辭居鄉僻間愛繁雖在位顧漠然不加喜戚於其心誠愚矣哉柔髮野既敗於土不敢
 野不但見凌於亞細亞洲之國又屢辱於歐洲以致國勢日促民不聊生內治不修外侮屢至自古人所以貴戰勝於廟堂也
 彼得幼時好為搗鼓之戲淵淵作金石聲好舞刀試劍雖不能悉中繩墨而擊刺亦頗靈捷恒與朝臣之子結為小友又號召軍民
 僕園之子數十人仿照歐洲之法排演陣法教以洋鎗其翻新出奇處往往出人意表有不合程式者或偽斬以徇或予以責懲而
 獎其能者不吝重賞故受責之人痛哭交流不肯輕去又立表為測量法並率領眾孩壘土為砲臺接以營壘並分其眾為兩隊半
 作寇盜半作官軍彼得自執令旗指揮捕及戰竹竿木棍如風馳雨驟官軍勝則鳴鼓督陣親挺劍以追賊官軍敗偽為多受傷
 而死者已亦與之俱死事雖兒戲而激勵眾人之妙用已具於一心矣既從德國求得典冊心好之而不能解其師作陶名士也教
 之習誦為之講說往往僅三數語耳彼得以心領神會言下大悟每當讀書微倦作陶高聲朗誦并隨處闡其文義彼得聽之若不經
 意者然及至問焉則對罔不當於理作陶愛其天資英敏且落落有大志恆極口獎勵之且為言子之曾祖哀慈留心經典陰符兵
 法若不周知今子性情品概畧與相類非繩武之神孫與至如之祖若父皆英雄傑果殺賊好用兵攻城取邑日不移營故能開疆拓
 土幅員倍於昔日俄國受益滋大於是師詳述之彼得敬聆之其銳志益與年俱長矣喜學臚丁荷蘭日耳曼諸聲語入心通不拘
 常調齊能嫺嫺言之噫是益奇矣彼得得性畏水雖小橋不敢過稍長率諸小友習水嬉於湖中又得荷蘭舵師之指教遂能乘小艇
 以容與乎中流倘得一帆風順萬里浪不難破也乃他麗姬太后懼其失足止之不可柔髮野公主會攬國權欲據皇位以彼得雖
 已遜國而年日壯健且多材能心甚畏之密與寵臣恰六必帖謀以兵圍彼得之居盡誅其左右而幽其母乃他麗姬於冷宮流其
 傅師作陶於遠裔其母將自殺矣兩武弁護之突圍而出逃至脫六伊薩國人皆曰是主也朝臣君民從之者如過市彼得遣使
 告其姊而索寵臣恰六必帖柔髮野懼見誅乃謀於主教主教命殺恰六必帖而以兵鎗葉柔髮野於山寺使使迎彼得入都即帝
 位以愛繁為柔髮野所立且一不慧故莫之顧焉彼得得智勇兼備秉性精明允歷憂危愈增材藝加以親賢禮士政治日新風俗丕變
 而其綸經之富器識之宏尤為歐洲賢主中首屈一指惜其不自尊貴好微服作奴和游至馬士克舊京連風景樂不思細行不於
 終累大得故恒不免於君子之譏云

彼得志在富強於水師尤極留意往往親登兵艦督率駕馭常遠至阿根尼海道太后出宮冷宮以彼得屢犯風波不測之險戒之
 曰我國歷代皇帝從未一見海水汝可輕身若是彼得不聽當微服之際嘗遊民商軍士及他國軍官同坐飲食眾咸不知其為俄
 皇也又設船塢以造船見船即乘之不論精粗美惡幾死於水數矣而無畏懼之意竟率國中之兵艦直造曷勒克其之白海而還

彼得志在富強於水師尤極留意往往親登兵艦督率駕馭常遠至阿根尼海道太后出宮冷宮以彼得屢犯風波不測之險戒之
 曰我國歷代皇帝從未一見海水汝可輕身若是彼得不聽當微服之際嘗遊民商軍士及他國軍官同坐飲食眾咸不知其為俄
 皇也又設船塢以造船見船即乘之不論精粗美惡幾死於水數矣而無畏懼之意竟率國中之兵艦直造曷勒克其之白海而還

登繫第四為俄國王曾有英國人乘舟至俄適逢冬令舟膠於冰其險也可想彼得以為欲與西方法度嚴明之國相往來必取道于北方之白海否則需由南方之黑海值北海屬瑞典國黑海屬土耳其其國向者曾與荷奧兩國訂立和約同攻土耳其其未能得志今欲西遊宜先張我兵威然後投無不利乃遣將軍於立生率師以攻川尼亞兩遭敗衄于是簡命三將軍分兵三路彼得新臨節制進攻黑海之埃兆口復因兵船鮮少不敷調遣而敗彼得憤極退回磨谷舊京以復仇為急務禮聘荷奧普魯四國之老于軍事者訓練新軍既成營再派水師由敦江直抵埃兆口而在以陸兵遂破埃兆振旅而入太獲全勝軍民降者甚眾四國人訓諫之功也昔者俄人好自誇大不欲借財於異地至是舉國皆喜雅外人之助餘慶且偏寬於歐洲及至凱旋屬境臣民皆遮道而呼萬歲比回磨谷臣民懸燈結彩相率遠迎歡聲震動皇時統兵諸將帥無不車服輝煌而彼得仍用總兵冠服意氣揚揚甚自得也遂乃精練海軍遣民人三千戶往埃兆海口而調兵兩隊以資保護兵餉不足大臣主教及商民人等皆願加抽賦稅相助為理彼得又由外延聘精於造船之人以教俄工復選派羣臣子弟五十人分往意荷英三國學造船隻俄皇親自督率夜以繼日蓋謂埃兆之役皆因諸事躬親始獲大勝况造戰艦實於急急尤宜不憚勤勞也一十六百九十七年策命三統帥為出使大臣游歷西方之國隨帶官紳之子弟及軍士商民共二百七十人彼得亦廁其中行踪甚密行至理格其巡撫不知為俄皇之尊也侮之至日耳曼之某屬國時彼得年方二十有七耳國之某公主見其應對精敏而加以舉動輕躁心疑之因問其面黑目深之故彼得得用心太苦對語見公主日記至荷蘭見造紙者必代造數張見煨鐵者必代煨數錘如此之類不一而足常不眠好奇物凡有所聞必往視而後快其造兵船也數月不能就軍宮某言凡事必先明其理然後能成臣聞英人性甚巧製造物皆有成畫但往英遊學習奇器了然於心矣彼得即往英國日至於厥國親遇有奇材異能之士一一禮聘至俄及回至荷蘭海面忽遇大風眾皆股慄彼得笑曰汝等曾聞俄國皇帝有死於海者乎是役也歐洲各國遊歷始遍獨未至法蘭西以其帝黨與土耳其也將往意大利國學兵法忽聞本國警報遂蕪程回磨谷就京之北初彼得銳意自強欲盡變國中舊法而眾心不悅常有揭竿之變商民人等又苦於抽稅之太苛相率梗令羣臣犬不順乃彼得一意孤行不為浮言所動且棄祖制之衣冠而改從日耳曼之服色又效他國語言以殊禮待敵人眾心更患遂流言彼得係日耳曼醫生之子非先皇虎子四施之苗裔也我祖制偏國人無嫌鬚髮煨煙者今彼得既令臣民雜其鬚又口自吸煙非他國之族類而何及將遊歷海西人心怨憤因與語曰從前俄國皇帝有游歷他國者乎又謂我國人於日耳曼士耳其兩國之人向皆不能理辯又何知有英法諸國其好為謔語者更為人言彼得行至丹國作商人裝束丹太后詎知其偽遂下於獄又有仇人納之於密布鐵釘之本桶而拋於海幸有兵丁救護始獲生還今彼得仍禁於丹其回國皇帝另係一人非真主也謔詠紛紛多出意想之外而國中兵弁思亂尤極遂欲推尊其髮野為主當彼得頻行之際參將裁鴻納先已激怒部下倡率而

為亂彼得即命擒捕反者密匿而成於唉兆之兵莫不思父母總妻子及彼得至邊祭各成卒眾口喧嘩聲受其防戍之苦且言遠
成三年無人依代遂有兵五百名不候軍令欲擅回馬士克城彼得之近臣某正駐馬士克恐其滋事急以好言撫慰召令歸伍不
謂各戍兵又接柔髮野私函激之為變畧言臣等遠戍誠苦余深知之然日後之苦高有不止於是者何不全回馬士克城乎况頃
聞彼得皇帝業已客死他邦而國人心惡皇子不使即位凡彼得信任之各官亦已全行正法云云由是馬永客之兵悉難防所而
謀作亂幸其統領社盈葛珍兩將軍分道截回慰勞歸伍各兵言我輩道死甚多糗糧又甚惡終歲勞苦勛力積疲天下有如此可
憐之戍卒古兩將軍亦無以難各兵也馬四克城風俗不同俄人有雜髮吸烟者心輕之又言欲入城整頓者兵竟鳴鎗以逐之獲
其殿後者囚之於獄彼得得回國以其鎮將意國人之柔懦也遣之又恨其與柔髮野前在曲也撤地方幾罄其母今予此次西遊非
圖逃樂也蓋為百姓也乃猝然為亂致主意國之行遂盡誅為亂者以明國法又念先曾祖哀臨乾綱獨斷今出為行我獨何人不
能效法且恐謀逆首惡皆長鬚之人苟不極圖振作日後何以馭眾乃於是年八月二十六日下令國中全行雜髮而自執利刃親
雜各官之鬚凡為亂者皆治以絞罪十月三十日法場之上疊疊者皆待絞之之生教者心大不忍急取天主馬利亞像呈呈彼得
彼得並不放視即令送回曰我所頂禮者上帝與爾無異我所究治者叛人與爾無涉國家大事在於保民為所之以何庸姑息時
則絞犯二百三十人皆坐車而來辭父母別妻子哭聲直上雲日為愁彼得得命將各罪案向犯逐一宣讀訖加派軍官數員幫同處
絞彼得且親絞五犯吳人搗布在旁幾於不忍卒士凡歷七日殺千餘人並不准親族收葬而盡髡柔髮野之髮禁廟廟中其助柔
髮野為亂之二人則縛而活埋於地下於是頻年為亂之老兵誅殺殆盡各營之隸凡籍者皆斬兵矣夫俄屬之克殺克城瀟灑敦
江兵力最強一千七百年俄之向為奴僕者及其散卒之克薩克地方官不許收留克薩克人曰此輩窮迫可憐我等情殷保
護爾乃及欲驅之去且此輩在國不堪苛稅是以逃也於是判殺俄之一藩王而掠俄之屬地更欲乘勢以攻唉兆而揚言我等非
叛皇帝實不忍官長之逼也克薩克急派兵攻之獲其酋誅之其從逆者十人中必殺一人投其尸於河沿流直下使人皆知叛逆
者必受誅庶幾相與戒惕也小俄羅斯有藩服焉亦曰克薩克其酋長默顯拔受封於柔髮野彼得即位默顯拔傾心事之彼得亦
待之甚厚默顯拔世家武臣性情酷虐人多有仇視者彼得尚以為能籠者日隆凡有言其過惡者即交默顯拔懲辦默顯拔雖受
厚惠常苦俄國強抽屬國之重稅况聞恃其強盛欲侵瑞典國兵餉浩繁必更重歛又日待彼得之側貪羨其權勢今瑞俄構釁漸
急私心竊計兵連禍結之後我克薩克一城非遭俄并即被瑞吞莫若暗助瑞典幸而瑞勝尚可圖存也有探知其謀者告於彼得
言默顯拔事主不忠並收獲交通外國之書以為證彼得仍不信將言者及私書亦送交默顯拔自行究治其始凡有判者默顯拔
皆告彼得及接讀某公主糾若為愛之札則笑曰此惡婦欲間我與彼得之好也若生嫌隙我何以安身哉立將來信焚燬因而秘

之既而瑞典與俄開戰拔維靈美權勢而難以支持詢知諸屬國因俄皇用兵不甘心輸納重稅類皆怨望及接彼得飭令預備添兵聽調之旨默顯拔盡收失望之人於部下而定計帥師以逼瑞典又寄書於波蘭國君言波蘭兵力未甚精強臣願以助於代為盡力事其詭秘而其心腹臣阿立克知之阿立克機事不密洩言於波蘭部眾即起軍前告變語多切擊彼得仍不信待之厚無異昔時並將首告默顯拔者定以發配之罪餘則加以酷刑文使自承誣告而後已既承則發交默顯拔自行誅戮默顯拔自維思澤不能久姑奸詐不可常行心滋愧懼而與之相辱者亦勸其彌縫過失以免患禍默顯拔不能聽其時瑞典國王已率師逼近克薩克默顯拔自維不能中立愈增惶急又接彼得嚴諭追令帥師回所部以禦敵人默顯拔以病不出迨兩國鋒刃既接默顯拔竟帥所部之兵與瑞典夾攻俄兵於巨爾托地彼得至是始知默顯拔自德魯思與敵連兵大悔從前之誤立命一將率領編師破克薩克之伯托林城屠之默顯拔自知得罪又不禮瑞典無地可容逃至土耳其進退無路難艱以死俄皇旋命斯克六拔士克薩克薩克事其民咸踴躍以助彼得惟兵無統帥屢為瑞典所乘俄廷乃派員往駐兼治國事因家焉又許其在諸屬地治產於是克薩克歸俄外部副至一千七百二十二年任馬四京城另立一衙署專管克薩克國公事於是慈慈日上大異於昔先是斯克六拔士克甫理克薩克事旋及病歿彼得環顧廷臣無可託政且鑒其前失欲慎擇賢良以正一國而卒不可得一千七百九年因命克薩克或有軍事必先稟命於俄廷不得擅自起兵西歷一千七百零年俄皇彼得已於黑海得突北口岸北海亦親往遊歷察知此兩處尚難通至歐洲因欲取道於海波羅的皆北沿海五省地有屬者今皆改屬瑞典事大不便心恆悒悒時瑞典王噶耳利第十二盡削其諸王之大權諸侯齊怨之爰有一藩侯糾約三鄰國各由本境進兵約期同攻瑞典三國者何波蘭丹墨俄羅斯也彼得忽得此機會喜而許之詎意瑞典王亦能軍先擊墨蘭最後次破波遣兵八千名攻俄適值大雪冒雪以進俄兵六萬餘屯於某隘不意瑞典王之至也倉猝中亦不知其兵多寡大驚奔潰輜重盡有之瑞典王驟勝而驕以為慶起於波蘭必先征服波蘭再與定盟然後可久於是積時累月始與波平而俄則乘其休暇從容有為矣先是彼得敗歸而後志氣不衰急圖前雪其恥而後快於是鑄炮三百尊訓練新兵十隊每隊馬兵一千名另派二百五十人入武備院建習陣法以備指揮越一十七百一年命庫總大帥師俄瑞典勝之瑞典之軍死亡過半復勝之於水路奪瑞典兵船七次年又伐之瑞兵八千名死於俄者蓋六十焉尼羅江口瑞人築有炮台甚固全國之鎖鑰也亦為俄人所據於是始築棧道蓋謂歐洲之路可通也遂自其都城為聖彼得堡明年又獲瑞典兵船二沿波羅的海諸省以次削平其民有不降者彼得痛加誅殺始懼而服忽接本國軍報知國中又有反者即命庫總兵往平之兵勢益強彼得思前與共和好國皆俄同者也及遣兵助波蘭等國初歐洲各國皆奉羅馬教大有惟我獨尊之意及耶穌大興奉羅馬之君視之如仇敵日尋干戈幾無寧宇瑞典王噶爾利第十二之主古思塔布亞多羅布思慨然曰人亦期守法且何乃分門別戶

緣教士而誤國事哉自今伊始有教以異教為仇者余即移兵討之由是各國海濱皆顧任民其人信奉何教官不顧問有一二仍執已見者古恩塔布亞多羅布思魯以兵力全洲以安人感畏其威而感其德至噶爾利第十二時平波蘭西國入又有為教而受害者以愛爾利必能縛其祖武紛紛求助噶爾利遂力勸奧皇毋得苛待教會民人欲奉何君必須聽其自然與王許畧又命奧國將以掠之俄人一十五百名日耳曼官四百員交瑞與處治奧亦允之瑞王感名日著法蘭西人適與鄰近各國交開眾小國恐瑞與法合將有國破家亡之禍遂相約莫敢犯而瑞王別有深意殊不肯助法人法亦知寡不敵眾兵端遂惹歐西方慶共平昇乃俄忽據波羅的海濱諸城也瑞王噶爾利切齒怒恨日圖報復遂於一千七百八十八年徵兵五萬一千名進伐俄羅斯噶爾利自率輕騎六百親為前鋒俄兵禦之噶爾利王續繼為俄擒瑞兵第二隊大至始免時俄兵僅有二萬人交綏俄兵退瑞兵又進俄兵後隊一萬六千人與前隊二萬人合連大戰瑞王獨當一面所乘之馬蹇左在覆衝大臣多陣亡隨王左右者僅四五人耳瑞王震怒招集散隊遂敗俄人乘勢前進而不知後隊一萬八千人已為俄兵截而殲之也餘兵六千人皆為俄俘時值嚴冬俄地苦寒飢疲之兵至有墮指裂膚者艱苦至此瑞王知難而退矣乃猶徵兵林馬轉戰而前並至一千七百九十九年夏俄皇彼得親率雄師六萬人命庫總兵將中軍門總兵將左軍任總兵將右軍布總兵將軍炮隊俄皇親督景師曰俄土有眾悉聽朕言此次之戰為國為教又為爾等身家幸勿言為朕也即朕亦當舍死忘生為驅除爾大難如其不然戰敗而還朕無以為家矣爾其勦哉瑞兵既已深入重地亦知勝則有家敗則不返瑞王激厲其眾殊死戰甚至鎗子穿彼得之帽而過鎗斃門總兵之馬三易三斃俄眾洶懼瑞兵似已操必勝之權矣乃瑞王不諳兵勢忽命分兵為二隊而疏其中門總兵急帥精卒橫貫而擊之瑞兵左右不能相顧而彼得大兵又如風雨之驟至遂致腹背受敵倉皇奔潰瑞王乘馱輜而逃而馬為炮所斃易以二十四人昇之又死二十一人瑞王僅以自免登夜奔土耳其餘兵大半死者僅有才遣俄盡俘之以暹是以彼得德收瑞官之降者宴於帳中語之曰是役也兩軍進退勝敗之機增朕識力不少爾等誠朕之師也良可欣喜其不自矜伐如此師旋凱歌親奏舉國之人皆喜俄皇不憚勤勞講求練兵之法今果大營又能遵奉天命舍生以救人可卜昔日聽命於瑞典之諸國將來必聽命於俄也

外史曰俄羅斯一國前在歐洲無聞焉彼奮發有為取人之長補己之短舉凡行兵之物諸學無不講求而考究之是以部武嚴整所向有功迨侵瑞典而據其地瑞典尋仇又使之隻輪不返是時俄後俄之威名遠與英法美德諸大國並列藉非彼得深探國家興衰之由以訓其軍民又何能浮然而興哉瑞典龐然自大一蹶之後已不能振而又懸師深入犯情兵之訝遂至一敗塗地安危得喪之機可令人深長思也俄人既據波羅的海濱地因以建立國都與歐洲聲息相通劇至歐洲各國每有新法後得無不先知此其所以終至富強也歟

俄國之初榛榛狂狷幾有不識不知之意當我中國趙宋時希臘教會傳至俄國始有振興之機其一切治國規模亦皆仿照希臘
越七百餘載國勢日廣積弊叢生顧未嘗一改舊制大主教尼肯識微慮早思欲有以改之而俄民心志不一猝難集事俄之有職
人員及士子之曾遊歐洲者睹歐洲治國教民之事以較本國有上下未之別及回國效西國衣服以示向慕之意且常向眾面述
我國不亟思改圖恐必居於人後其所向有功之庫總兵即遊歷人員之一也彼得幼時即習西國改舊章以從西國之事既長躬
游歐洲循環察視比返國乃宣言曰歐洲各國之政真善政也我國亟宜仿行否則日後必為所制乃決計乾綱獨斷不欲從其舊
俗乃據波羅的海濱諸郡邑以收新法練兵之效又念有國家者必先文治與武備交脩乃可以長駕遠馭雄長天下先是俄有佃
戶二十萬人皆隸於貴戚富紳世為奴僕彼得得之歐洲之西陸其始亦有世僕一但盡釋為平民實政之尤善者心竊慕之又以歐
洲各國教養諸事皆出上立意必行乃聘英法荷蘭瑞典那威瑞士日耳曼諸國之名人至俄或令譯書或供制器皆以教其民
人凡有奇技藝能者務羅致之以廣裁成又恐其學之不逮也自御西國衣冠以倡之令學者亦皆效法以示心儀西學之亟
俄羅斯一境雄跨歐亞兩洲疆域既廣民俗不一彼得即位以來奮發有為躬歷歐洲諸國擇善而從先學其練兵之事得以開拓
土宇通歐洲之捷徑而據之以為都城及乎武畧既展文教律條然擴悍之民不易能遽使之順從也彼得乃剛柔並用行之以漸
卒以革故鼎新茲僅畧紀其改正國俗之事可默想其裁成化道之至意焉先是俄俗人分三等一為世家之裔凌夷而為農家者
流然仍自恃其閑安自尊大一為農家佃人田以耕種終年租稅悉歸田主三為奴婢往往有一家而畜奴至數千者主人欲賣
其奴則離析其父子夫妻而強賣之及彼得為政無論何人盡按其戶口使納丁糧較之中華隸丁於田於仁政固屬不逮而畜奴
多者盡令其主人納稅錢已隱寓革除之意有時主人欲賣其奴則首嚴離人父子夫婦之禁違者治罪不貸又以各省會州縣城
中人亦分三等彼得按日耳曼章程以改之至於外國人之寓俄者許其隨處設肆貿易並准置買莊田房產或欲與俄人結婚姻
及在俄為官亦隨其意教堂中禮拜等事亦所不禁惟其人欲出境則必令按其產業資財以十分之一交於公家俄之貴族先有
因其祖父功勳而得封諱者類皆習為驕貴歷年既久諸廢生半屬統袴毫無才具但知龍樓位以驕人而已彼得力改陋習論以
現在為官供職者始為貴人他毋得濫並分文職武職教會為三等而三等之中又各分十四品以為尊卑不得凌躐俗凡有產
業父死其子析以為己有彼得出令使按日耳曼章程改為均歸家子承受其餘緒子悉聽其家子教訓並各宜努力潛修以增材識
將來皆可為貴官以冀鼓勵之意又恐其分析財產而終日貧弱也然未幾乃逼舊主又俄俗婦女不輕出門男女不同几席彼得
以為無論男女皆宜自正其心初不以形跡為嫌自此更示相親相愛之雅
俄廷向例每有機務必先廣告各處官紳相與議定而行自彼得乾綱獨攬始設機務處如中朝之軍機處者然初命九人攝理後

增至多人凡機務議定後命一人專司頒詔下各部遵行復恐未增妥善遣四十人往日耳曼國習其禮典歸而仿行之其外復設十部一洋務部二戒務部三水師部四戶部五稅糧部六刑部七世職部八製造部九礦務部十商務部命官分理每部又各設一書院延聘各國名入以為教習兼採他國章程參以本國定制務衷至當其各書院總教習由書院中公舉之例概不由君上遣派先是俄國各道分設專官大權獨攬彼得命分全國為四十三道而隸於十二省又命各紳士公舉數人過政務會同各省各道員商酌辦理京畿之內亦照此例而由此數人中再擇一人以為總理其最要者則在於製造商務彼得因者為今日公舉辦理此事者洋用外國人因其製造商務較俄人為稔習也此外各大部諸事亦公舉賢管理而達制於都中總理大臣各城之賢良久乃皆通西法街道房務務求整飭潔淨藉非彼得之躬歷各國親知其利弊亦曷有上行下效如此之速乎新章既定彼得又密查各官有無貪婪之弊查得有一官暗吞國幣若干而其屬下司藉之人乘機侵蝕彼得即嚴諭百官曰欲使百姓均沾實惠必自爾百僚各矢潔清始爾百僚果潔已奉公吏役自不敢肆因戒以官箴如中國衙署中奉旨勒石所云爾俸兩極民膏民脂下民易虐上天難欺之意旋又查出亞洲境內之西卑利亞總督婪賍不法彼得乃治以斬首級之刑以儆其餘一時威令大行人咸知懼至於歐洲律例惟瑞典最為確當俄國則無論何案一入公庭未問先答彼得欲改從瑞典而恐太驟命稍寬焉但期以漸革除而各道域內以迄鄉間各設問案之官皆命稟詳於刑部以為准駁其餘設施大抵類是考俄國未經頓整之先每年進項纔得銀三百萬羅卜合銀洋一百五十六萬有奇至是驟增一千萬至羅卜歷十五年更較前增至三倍焉此改弦更張之成效也初俄境盜賊縱橫彼得以練兵束之惟壤地廣大兵額宜眾兵費尤繁乃以精益求精之法練陸兵二十二萬水師二萬八千大兵船四十八號小兵船八百號不特可禦外侮盜風亦自是少戢矣先是俄之興由於教會然自有教會以來京城有大主教一員其權勢之重舍聖帝外無敵比擬也彼得又欲改之乃先於各部立書院之例至是又創設聖議院凡教會中之規條亦公舉數主教共議不專由大主教一人然後示以章程曰各教主處必各設書院凡傳教之子弟若有不能讀書者則令改隸兵籍查俄之教士向分出家及不出家兩等聖議院既立凡年未三十之人不准出家其出家者亦須讀書然後大小書院既立凡年未三十之人不准出家教等多著有益之書以訓世會教蓋以彼得為擅改俄國歷代相傳之教詳情沮喪內有數人自知時勢所迫有不改而不能者乃別立為新教會蓋因舊教會而名也此外又有歐洲各國教會本與俄國教規不同曰父乃分為三等一新教一舊教一外國教遂不免有相傾相軋之弊彼得知其各有佳處故外國禮拜堂亦親至焉今尚有寶座在堂中又親詣教堂而諭之曰上帝命朕管理國事耳人之良心乃上帝自行掌管非人所能管也若按良心作事有何阻礙難行乎又至舊教堂諭曰我俄國之興固由教會然事貴變通所有規模亦不可拘泥也蓋彼得務欲三等教中人廣讀書以明義理則既無黨同伐異之弊亦無隨時更改之勞矣

俄之北海一口岸名曰亞剛阿荷蘭日耳曼人昔常由海入貨通商然必繞道瑞典頗苦迂爾至俄國人之販運於此者水陸而行天氣寒苦路又甚遠乃改於波羅的海角之新都聖彼得堡創立碼頭於是得免繞道瑞典及苦寒遠路之虞而有繫念亞剛阿者彼得姑准其兩路通商而逐漸增加亞剛阿之稅商人遂相戒裹足彼得又念國中之商運貨於陸路甚屬不易乃為民間運河一道由彼得堡通至內地之東省民皆便之又為民間通各大河使之相連無論何處舟楫皆可直達此彼得得立埠運貨之法也工尚未竣又與歐洲數大國立約通商使商民知歐洲各國所缺而俄國所有者急於製造運銷其歐洲所有而俄國所無者又諭商民急往販運又睹本國農民收穫之際皆用鐮刀一人一鎌甚覺費力乃諭民曰爾等改用歐洲之長刀則一人可抵三人之力矣又勸民編種桑樹葡萄菓烟等物其歐洲極肥健之馬牛羊等畜勝於本國者諭民務望販運以來至於各要工各礦務之類則諭民曰爾地主人等務須及早開辦如其不欲則國家將許他人及外國人來開不可使至實久隔地中也如敢阻撓殺無赦由是俄國大商皆出而辦礦務有商人名代米多者由辦礦以及至極富至今猶有稱之者其時化學尚未甚興彼得得更諭使立化學局以製造各物兼察各種布疋並船中所用之帆哩與夫哈喇洋絨作襪之絨織金綉緞等類凡法英奧等國工人之工此藝者皆棄之來設局製造並使本國人赴局學習業人初恐製造此等貨物不能銷售彼得諭之曰爾等無慮其各立局我將使各兵丁舟船貴族人等凡國家所有事者均往購之又念本國人所穿之履形狀甚陋命人往歐洲仿其履式製成而使人易馬凡此皆彼得之苦心經營也然而初創規制時則有大難者俄國各省官員類皆以剝削民利為生不盡樂道勸諭是以商民少踴躍者然歷年仿照新張織造局已有二百處各國新法既已精熟而又皆能獨出心裁自創新式以製造矣彼得得既整頓內外諸政皆獲實效復以北方波羅的海濱據地無多南方黑海之濱地亦有限乃欲逐漸蠶食以廣通南北海路自揣曩昔練兵到處戰無不勝攻無不克今茲出兵必無不利故遣兵南侵土耳其土兵甚眾不利而退後道大兵北侵波羅的海濱又獲據瑞典之數省地歐洲大震目之為虎狼俄各國於是其效合縱之法合力以抗之日且曼與俄逼近仿備尤嚴彼得得知不能專恃民力重命駕親往歐洲各國以覘之既返遣其大臣往與強國立約以為將來攻弱侮亡之計旋即息兵安民以敦鄰好馬彼得自即位以來綜理國務為小民勞心者皆著成效先練歐西兵法以防外侮而制內亂既已底定而後經營水陸各路以通商利農於是商農殷實比戶可封與教師商製造之良法立各書院學堂不惜重金聘請各國名師名將來俄以教習之乃至地拓財豐乃諭民曰朕勞心俸力二十三年於茲皆為爾百姓謀生也今國家大勢粗安願與爾百姓休息以供學各學有益之事爾百姓其各知之俄人聞之皆大歡喜以為我皇帝之言實民生之幸也乃相與擬上俄皇尊號為大彼得

林唾伯兒外氏於浮拉母報上登錄德皇維廉逸事且著論云德皇於明界之外更有所信仰於幽界東洋人所稱為命而德皇則以為出於上帝之意其信仰於宗教如此即使遭遇厄亦必以為為上帝之命而不復怨天也德皇本仁人當俾斯麥為相時治下嚴厲國民精勵刻苦未嘗言日偷安德皇與俾斯麥意見不同爭論此事乃定禮拜為百姓安息之日又令政府所設之工場節減勞工執業之工夫而於婦女幼童輩則尤為留意將以示模範於諸工場如千八百九十一年三月十七日所發之保護工業條例實為德皇所創興也德皇每在軍中亦果斷勇猛每遇觀兵之典必騎馬臨幸非第位立高邱觀軍之東奔西走之狀即兵之所赴所運必隨從而觀馬又能謹小慎微雖小疵而必謹偶當開眼之際或靈營之內稽查其在營時之秩序頗為嚴密蓋德皇好觀兵甚於食色值觀兵操練之日起身必早約四五點鐘即促侍從結束而行戴星而回其儆息亦必不離鞍馬批判軍事甚為切當云故當時臣民莫不歡欣鼓舞而敬服焉

德皇心愛皇后頗宜室家皇后每夜必親至皇子皇女之房中撫摩為權一日皇后外出未還三皇子等謂母后未還不可即入睡鄉乃相約以紐帶互約足趾而卧欲其不睡也德后母子之情可以見焉又一日侯的兒皇子手一書書中有人類皆有罪障之句茫然無語良久云此言未真何則我母無罪障也其思母后亦如此德皇每早起身約在七點鐘前起身之後直以冷水洗澡身體即衣軍服與皇后同朝飯雖於出獵或觀兵等之時向晨而起而食膳則必與皇后對坐而食各皇子等即於此時謁德皇及母后飯後德皇臨朝聽政至九點鐘騎馬逍遙野外德皇騎馬逍遙野外皇后亦或乘馬隨馬至十點鐘還城復視政事至午後二點鐘乃吃中飯命皇子皇族陪食每食必侍從武官二人主馬寮員及女官等侍奉午後六點鐘晚飯九點鐘又飯德皇每飯喜有陪恰似夫的立克皇食時必令侍者談笑風生以自歡娛雖所食未必美味而器具則必精麗桌上必插美花於瓶德皇愛花國民所均知也餐畢又有煙及麥酒出陳於桌德皇於此時最快談笑嬉娛陪者極歡則更移別間又酌茶酒葡萄酒等至忘夜永或至十二點鐘而始罷馬要之德皇為好客之德皇行政雖稍有專制之意而其待皇后則不然諸必先商議於皇后而後行皇后資性柔順且質樸多仁心一禮拜內必會眾侍女以製造救恤貧民之物故救助貧民之法多出於皇后之主意德皇聽政每日約六七百件觀閱各種之簿書稟帖等已先開城讀過之後付之於秘書館至大事件則已躬親批答至如謁見行幸及賜物等事多出於德皇之心裁雖多有宮內協辦不過承旨行事其實猶曠官也德皇又注意於新報雖不甚愛文學而好讀軍書及小說之以史事為本者又好藝學林得狼氏發明越幾斯光線之時親發電報召至宮中以聽其講義要之德皇似料己之在位必有一大戰爭之事故頗養成果斷之志以豫備焉

論比國王

比利士之國以來甫歷三世因欲自主每多爭戰其國中之久遭蹂躪強敵之恃勝處待以及最後已得自主各情姑置不論比王
立屋可爾第一入感稱爲國君中之最有才識者係從選英國公請而來王有深慮通籌能斷盡心國政以固其邦基其子嗣位
又逾一世合天下之人聞其嗣位相與稱善近三十年之內國享太平長進之神速他國莫與之京然應爲之事尚多中以保守其
國爲尤要比之人民僅有六百五十萬丁口其擴充船務製造玻璃鑲器以及所織之鏤空花邊各種綢料種類之多貨色之精在
天下市面之上當首屈一指所有大宗出產可與英法德相埒整頓既速積聚愈富此又全恃立屋可爾第二才具優長慮遠心堅
始終不怠顧其辦事志向與乃父稍異每精心獨斷爲國增光性尤平易不喜驕奢甘雜於稠人之中與民往鼓勵工藝且使其京
城壯麗雅觀又事之有益於國有益於民者無不力助其成莫收實效前此未幾比京各報館雜集之人交口稱頌曰吾民之元首
也蓋少於其著名之威英君主者十六歲踐位之年雖踰英君主之半身身長六尺相貌端莊常於京城騎馬或在奧斯吞步行主持
君民共主之國制尊尊焉惟以國安民爲心勤求治理或謂比國地少人稠曾無寸壤未獲斯言甚確即欲擴充製造亦爲地限
勢有所不能以故積資雖厚而在本國則無利可營又人浮於事無工可趁立屋可爾第二深知其國雖小而戶口甚繁財用恆足
惟苦於幅員太窄永難展拓必須尋闢門徑庶使蓄積實多可以營運其少壯之人既不能於本國操工謀利尤應爲其別覓生計當
彼時也正有人公舉比王爲亞非利加萬國公會之總統此公會係專行善事者比王諮詢於斯貝雷極他探路之人遂覓得康閣
地方距今不過十年十二年耳其得有斯地所費不貲已由各國允許專歸比國主持並由比政府核定律法在數年之內可以便
宜行事將康閣一省名實皆歸比之屬地非洲有此大地計方一兆英里首與政教俾得自主工作爲定公平工價雖內多爲難
之處外有阻格之慮而其治理之效昭然已著使人驚異意謂如此大事出諸一人之心思才力實可敬佩即史記之中欲求似此
才識而以勤政愛民爲心者亦殊不可多得草創之始豈能無稍差謬其初時所派之名輔政諸臣或短於才不稱厥職誠所難免
正不知經幾許阻艱善慮而比王終能堅持定力今則左右得人股肱是倚皆有才畧閱歷前之所謂棘手者悉已化難而爲易矣
現在該處氣象蒸蒸日上言之殊有意味一千八百九十四年余作客比京某日有公譙及克斯船主者皆比利國最有名望之官
僚及克斯者曾在康閣著有勞績亦與其他有治才事功之大臣相等比之官紳畢集余亦在座有議官而兼羅范書院教堂名持
覽者言於眾辭甚暢達足以動人可與英議院中長於辭令之人媲美在席之人聞言感發皆欲在亞非利加大屬地內傳其耶
稱教道理並認明凡人應有之利權俾人之見識漸廣其志君愛國之心油然而生如此大商務及大有裨益於人之事其首爲創
率者終收成效通國咸利賴之有名三木爾生者取木勒及凡熱悉該處情形者所著之書彙集成編標具自曰當今文化內有一
節言康閣地方一兆英里有人民八兆雖尚非顯屬於比然已遵奉比之教令後此百年之內或可統歸比國管轄該地在亞非利

加而被歐洲之國開地殊有益於化外之野人彼族獷野每人相食已用威力以禁戢之其中頑自倘植頑梗不悛即予廢斥如販賣人口以及凶惡行為尚亦當能改化其俗是誠盛德豐功之舉也果克臻此則比國本以教化六藝見推者又將益進而自成大學矣去年元旦比王乘議員官朝賀之時廷諭之曰英國勢力若是之大富有秘訣在焉秘訣維何即國人之忠心是也近又向余自言其志云吾生平開誠布公事事求是冀人皆知吾心縱有悞或會其意者吾亦未嘗因此而自沮其志氣惟求吾盡吾道俟心地光明自然洞燭物理矣比王為此數語其國人聞之莫不悅服信從且不獨比人為然即他國之人亦共相欽慕云

商務

英國商務總論

英國一千八百九十七年一應商務不無虧累之虞然與各國相形並視尚有興旺氣象則以英國商務本為地球首屈一指也今將各項受虧之處臚列於後一製造商務本年因工匠求增工價並減工作時刻以致停工日久所有包攬別國造船造鐵路造各種機器生意悉為他人攘奪而去二印度瘟疫大行有礙工作三澳大利亞洲及阿金帝那三處收成歉薄出產較少四希臘其端各屬地咸有戒心以致貨物滯銷五銀價漲落不時凡販運出口者皆因之退縮不前六貨件太多如咖啡茶糖藍靛等類是也七本年棉花出口甚少因無利益可沾現屯積之多約有三年貨料尚須減價求售九當七月間美國未定新稅章之時各商人均趕運貨物前往銷售恐定後更形掣肘十英屬之南 關 薩及印度之五買均有日人爭奪織布利權而美國多餘布疋又均載來攪售此外則美與亞細亞之人均能自造貨物行銷各國雖英亦可因此討論工藝然鋼鐵商務既經美國講求即難免不侵占利權况本年鋼鐵生理又僅足保全資本已哉

英人通商始末攷

歐洲列國以商務為本富國強兵全藉於商而推英國為巨擘列國雖欲與之頡頏爭衡而競勝而終不及其心計之工規模之遠也余嘗攷英人之通商始末矣英與法最近其通商亦與法最先唐肅宗至德二年與先王查理曼立商人之約英法同盟始見圖史英人商務至明季而始盛宋度宗咸寧九年英與法里美國通商此為與他國通商之始元武宗至大元年始用銀錢滙票與西班牙葡萄牙兩國通商无英宗至治三年與威羅士立約通商明太祖洪武十七年始設商船律法嘉靖九年始至亞美利加洲之白來齊通商二十九年與瑞典合約通商三十二年始與俄國通商萬曆三十二年始謀取中亞美利加之西印度及佛齋呢阿始攜淡巴菴回國歐洲之栽種烟葉以此為創二十二年始設銀號商人使之找朝順治八年始定市舶賦稅頒定禮於中國康熙三年瑞典曾據亞美利加洲地英人取之名曰新瑞典令居於新地者不許與他國通商商人咸恐是時荷蘭西班牙兩國商賈自興

英人嫉之特遣水師提督伯拉格統兵船往西印度海取西班牙屬地買加並奪獲西班牙採金之商船至此又遣約克去攻伐荷蘭此為爭通商用兵之濫觴康熙五年始販中國茶葉至英始設保險之法四十九年英商立一公會於太平洋島貿易十年未有生息至是議撤雍正十一年英國議立納稅新法卒不果行初各國商貨到關抽稅英人瓦爾波創立新法迨至儲於國倉得有受者始納稅於國家於是商費咸集議院論其事是少否多以為他國多不如是遂沮是議十三年與俄國立通商之約乾隆二年西班牙虐待英之高費二國兵端將至此構王及大臣皆欲戰惟瓦爾波不可強之乃發兵五年遣安勝至南太平洋利西班牙商船十五年仍與西班牙始製毛毯十八年英始與印度總督爭論通商之事五十二年與法國重申通商和約逮拿破崙與英為難泊乎戰勝諸國兵威益壯嘉慶十一年法傳檄於普奧俄意荷葡瑞各邦毋許與英通商然英之通商如故各邦亦並不能從其人經營美洲不遺餘力於時南亞美利加諸部久不奉西班牙約束至是英遣領事官往復立通商之約於墨西哥可倫比阿索宜基利相與貿易往來五年與丹麥立約通商六年與瑞典結盟許英船出入瑞典所屬海口英人專志於行商蒸蒸日上十年之間國中富商貸資本於他國王家者計三千六百萬兩英建輪船公司往來各處道光十年輪船初至印度水師總統訥白爾始至我國之廣東雖未必有心於窺伺然其謀肇於此矣十八年輪船始渡大西洋凡十五日抵紐約商人之行費於外者於海道益稔與與國美國俱立通商條約而創設英公司於暹羅置戍兵於紅之亞丁島凡行旅之由是海口者得所恃而不恐二十年擬與德邦立約通商是年方以販運鴉片啟鮮英人有戒心焉二十二年我朝定和議許英人在上海廣州福州廈門寧波五市通商所得於中國之貨賄輦運回國計盈五車獲一巨鐘置之博物院中二十五年與普利西立約通商當此之時英在歐洲水師稱為極盛計兵船四百四十五艘水手四萬水軍一萬五千其強如此商務之旺軼於前日進口貨值銀四十八千五百萬兩出口貨值銀十一萬一千兩通商船艦三萬八千艘水手三十九萬人其富如此自立國以來未之有也又以印度民人眾庶與法立約計其往法之屬地開墾然後所貸國債稱倍於曠昔咸豐十一年計國債銀二十六萬一千九百萬兩近來歐洲列邦與中國通商莫為首而美與德次之立和約設領事者雖不過十餘國而餘皆附於英如大國之有附庸然此局將與地球相終始如此而猶欲閉關自置固所不能然所費者在知其情偽而已而不知其情而虛與羅縻之無當也余著此篇知悉華英通商之所由而竊歎當時駕馭之術疎焉嗚呼前車未遠來軫方道當軸具加之意歟

英商公司據印度及亞美利加考

英國商務皆設立公司其首創者為印度公司當康熙年間德葡兩國在印度通商生意極盛英人羨之設立印度公司集款數百

萬製造商船七十餘艘在印度二處載運貨物在海面往來保護嗣國家正有戰事欲向該公司借款公司勿許於是壟斷膏肓請
當道復設立新印度公司願以國股借給報効英廷許之舊公司恐其奪利之權反勝於己願與新公司合併再三讓論始併一家
此印度公司之所自仿也公司中船舶專往來新加坡印度檳榔嶼越裳南洋諸島然其印度為最賦故英國駐印度公司中總辦
亦有英有英議院之權可以與閣國事嗣公司通于國家始將駐印度公司總辦改為印度總督常則如商業之紳董慶則如疆場
之將帥當是印度國土瓦裂瓜分各處要津為各國人所佔據鯨吞蠶食各自爭雄客與主之形皆不相洽印度土匪之流又乘間
起事如鵝蚌之持內覺作而外患偏土人弱而客商得美英公司知其機會可圖來間窺伺率商募之兵攻擊兩至輒靡一戰成功
割三省之地全通英國商人英廷聞之幸甚英商聲勢強大地廣利多遂議院公議令印度公司每年納銀四十萬磅通國家作為
貢稅而由印入英茶葉概免徵稅如印度有兵戈之事亦由英廷助之不勞商人募兵籌畫此印度公司通屬英廷之來歷也從此
英商之於印度設官頒政不啻附庸習久相安視為外府力強則勝天下事尚可以直實理評耶英國又一公司專與西印度通商
考西印度在亞美利加洲海中一島其地水深土厚物產富饒地宜種蔗出糖尤夥英人自恃強力擇其美境一二處割為己有既
佔其地盡力經營開設商埠見本處居民之困苦與商業有關也遂別設禁例各國之糖不准進英國口岸及英國他處屬地惟許
用西印度本公司之糖此例一頒西印度糖商大為起色即西印度製糖種蔗之民亦能獲利商業以此日隆又有英人名錫克明
斯者貪覓地之功稟請國家自備舟船數艘乘長風破巨浪直抵南太平洋查得兩地知土壤豐美可作附庸即回奏英廷樹英幟
於該處以為屬地自是而後美之人民多有遷徙其上者道教化事農商興百工務畜牧漸摩既久風俗一新商務推行又增兩處
當是時英國經營蒸蒸日上而立約未盡善善猶多未便於商人因欲易轍改弦變更新法而議院每多成見扞格不通眾商無可
如何重請英廷特設商務一部倘人民中有精於貿易者朝廷可破除資格拔充商部員俾舊弊革除新猷展布自商部一立經商
之道精益求精矣

論德法在亞洲商業與盛

近時德與英商爭利頗劇在亞細亞洲為尤甚現英國產物在東洋漸有衰減之色而德國之物將代興焉英國國會擬探悉其因
由簡派委員往東洋委員等報告云德國商業所以發達於亞洲之故厥有五焉一曰德國所產之貨物比之諸外國所輸貨物其
價較廉二曰英國之貨物不適需用者之嗜好三曰自一千八百七十三年以來銀價低落亦為德商興盛之根本四曰德國自產物
之處至搭船之地鐵路運費甚低五曰由外國各埠口至香港船費比自英國諸埠至香港之船費亦頗廉賤又法國駐香港領事
誠意為之稽查亦謂德國初欲啟商務之關係於東洋也漢堡及其餘諸地以輸出為業者皆苦心焦慮矜目前之小利以期後來

之利益多端考登者已數年矣其忍耐及巧智之二乃遂至奪英法銷路而輸出其國所製造貨物於中國德商好習華語又善簡派少壯代辦之人以考查中國所需要之物及其品質如何購買者嗜好何物至稍解廣東語者則又托賣貨物於此等之人漸將擴張其商務焉

美人論大連灣通商事

英人所要求於中國者法之不以為然在南甯之通商與滇蜀之鐵路蓋南甯如通商則英人之輪船必將由梧州達潯州以抵南甯而據龍州之上游如此則法人龍州新造之鐵路其利益必大為減色而紅河之商務亦將慮為英人所侵蝕此英人之所以不悅也俄之不以為然在於大連灣之通商蓋俄承大彼得之遺策欲經營一出海自由之口岸西不能專權於波羅的南不能得志於黑海而地中海南頭一為直布羅陀一為蘇彝士皆為英人重兵之所在幸得海參威一口而又守凍四五月近才與中國親睦其西比利亞軌之出已假道於滿州而又乘德人佔據膠澳時之機會遂使驚形之旂得高懸於旅順之口將來由吉林修一支路直達遼東海以抵於旅順俄此壞此志已有年矣今若大連灣作為通商口岸則是俄方欲張其口而已英先絕其吭是其數十年締造之苦心敗於一旦俄人之所以大恐也然則中國於此將何以自為謀乎僕嘗中國籌策夫奉天者大清國發祥之地也奉錦視祇為安危而旅順以金州為失大連灣與金州澳南北陸路相隔僅一二里若使敵人陸兵越鴨綠江循黃海北岸西趨金州而海軍入大連灣斷南面之衝則旅順為絕地而海軍蓋不能支甚奉錦破膽榆津震動甲午日本之役正是如此此誠北洋鎮鑰非但謀遼東者所當守也然以周圍數百里孤懸八海三面受敵之地而今日中國國家則力既不能力籌大隊海軍以為外護又不能添設礮臺多置巨礮以為內守一旦有事欲求旅順一口不為外人所奪蓋亦難矣今日若將大連灣作為通商口岸則以各國安業之商杜諸國覬覦之念明與各國一口岸以興商務以固險要藉為口實其意以為不費之守無形之防保護東海股以奉保錦而即以擊北洋之門戶為中國計計無有善如此者矣夫英所要求於中國其利權固不為小然中國若拒英而借款於俄則地丁抵押之外吾恐俄之所要求者如東三省開礦修鐵路至不凍口岸並以後總稅務司之用俄人度亦必振振有詞是其所要求之利權英國為大俄亦未為小也果如是也則各國懼有礙於平權之局勢亦將有利益均沾之請試思德之借膠州也實因歸還遼東中國厚結俄法薄待德人之故今若厚待一國則東方有十萬墩海軍之英其不默然而止也矣日前路透電報載俄英國某大臣演說有云如他國如中國關閉貿易之門戶吾英必出與之戰云云此其意之所指有心時事者亦可以恍然悟矣即吾美人向不于預他洲之事然與吾商務有所阻撓損失則吾政府亦不能置之不論不議之列也

日本商務

日本政府預算明年報銷各款傳聞正項雜項約開支洋銀二百五十兆元如果政府設法樽節或抵須洋銀二百三十五兆元此項巨款非借國債不可然借債頗非易事因本年曾預借定國債洋銀六十一兆三十三萬九千五百元作為異常報銷之用故也由此而推則是籌借國債明年如再踵行必不能如今年之價矣然舍借別無善法因本年報銷籌防兵備項內用洋銀一兆七千九百九十九萬九千五百元皆籌之官民頗覺勉強從事此時如再將官俸節減而日官月俸大半約僅自十五元至三十元當此各物昂貴較之前百分中漲起六十分各官以日用窮迫已有無整情事此勢所不免也至現米價每石計洋銀十二元較之前數年每石洋銀四元八角與一千八百九十五年時每石洋銀八元二角相去甚鉅以為米價如斯田價必增即使稍加地稅諒無不可不知照公道而論其價又不相符按現最美之田合最美米價每町祇能出米合洋銀一百六十元之譜而每町須按洋銀四百元徵地稅又租價洋銀八十元設再多抽地稅民必激而生變矣

論日本通商事

西人問於華人曰貴國既與日本通商矣何以不令其遊遊中國任其往來自如必拘拘然僅許其至通商各口岸華人曰然此我中國向來之定例也譬如吾國各官業已分發此省即須在此省候補日後補缺仍在此省供職非奉特旨不能久往他省何況外國之官商議定地方口岸安能任意又至未經議定之地方乎西人曰我國之例則不然英與法鄰近之國一經和好通商英人至法不限其所游之地不禁其所至之方法人至英亦不禁其所至之方限其所遊之地然法人在英犯法英人即治以英國之例法以法國之例僅須英官自行辦理不必更商法國駐英之領事官英人之在法國者亦如之今貴國與日本亦鄰近之國非若英法之與貴國遠隔數萬里之洋也今既和好通商亦當不限其所遊之地不禁其所至之方及其犯法亦照英法所行之例以治其罪庶幾方為鄰近和好之國奈何視近鄰仍與遠隔待此國亦如遠國竟毫無差別乎此吾之所不解也子曷不奏于朝開此嚴禁使之亦向英法和好通商之事耶華人曰不能我中國之禁令昔聖人揆之於禮合之於義而後設法以為之妨也即於民間之事言之至好朋友僅能至其客座不能至其內廳至親族僅能至其內廳不能至其臥室男女不親授受嫂叔不通音問亦不能至其內室內言不出外言不入皆所以為之妨也故臥室安息之地惟夫妻子女始能至伯叔兄弟亦不能至也何況他人今夫京師者猶之民間之臥室也內地各省猶之民間之內廳也通商各口岸猶民間之內座也今日本與中華雖為隣近之國亦不過於民間朋友而已安能比族戚乎安能如伯叔兄弟乎許其在通商各口岸是已延之入客座矣又安能使之再入內廳乎安能使之再入臥室乎是必不能之事也且中國一視同仁也通商之國豈徒一日本哉既今日日本入內地又豈忍禁貴國之內地乎此一定之理也子又何問焉西人曰子誠善為說辭者然吾終不以為然請俟異日再質之他國之和好通商者